

მემორანდუმი 2013-7/25

ქ.თბილისი

N

25 07 2013 წელი

შპს - "თბილისის ღია სასწავლო უნივერსიტეტის" და შპს "თბილისის ჰუმანიტარული სასწავლო უნივერსიტეტის" პროფესიული საგანმანათლებლო პროგრამების შეცვლის ან/და გაუქმების შემთხვევაში, პროფესიული სტუდენტებისათვის საგანმანათლებლო პროგრამაზე სწავლის უზრუნველყოფის შესახებ.

შეთანხმების მხარეები:

ერთის მხრივ

შპს - „თბილისის ღია სასწავლო უნივერსიტეტი“ (შემდგომში სასწავლო უნივერსიტეტი) რომელსაც წინამდებარე მემორანდუმის მიზნებისათვის წარმოადგენს მისი რექტორი, პროფესორი ნოდარ პაპუკაშვილი.

მეორეს მხრივ

შპს "თბილისის ჰუმანიტარული სასწავლო უნივერსიტეტი", რომელსაც წინამდებარე მემორანდუმის მიზნებისათვის წარმოადგენს მისი რექტორი, პროფესორი ვალენტინა საყვარელიძე.

მოქმედი კანონმდებლობისა და მხარეების სადამფუძნებლო დოკუმენტებით მინიჭებული უფლებამოსილების საფუძველზე, ვდებთ წინამდებარე მემორანდუმს პროფესიული საგანმანათლებლო პროგრამების განხორციელებაში ურთიერთანამშრომლობის შესახებ.

მუხლი 1.

მემორანდუმის საგანი

მემორანდუმის საგანს წარმოადგენს შპს - „თბილისის ღია სასწავლო უნივერსიტეტის „ და შპს - "თბილისის ჰუმანიტარული სასწავლო უნივერსიტეტის" შორის ურთიერთანამშრომლობა პროფესიული საგანმანათლებლო პროგრამების უწყვეტად განხორციელებისა და პროფესიული საგანმანათლებლო პროგრამის შეცვლის ან გაუქმების შემთხვევაში, სასწავლო უნივერსიტეტში ამ პროგრამებზე არსებული პროფესიული სტუდენტებისათვის ამავე სპეციალობის საგანმანათლებლო პროგრამით სწავლის გაგრძელებისათვის პირობების შექმნა.

მუხლი 2.

მხარეთა უფლება-მოვალეობები

2.1. ერთ-ერთი პარტნიორი დაწესებულების პროფესიული საგანმანათლებლო პროგრამის გაუქმების შემთხვევაში, ამ მემორანდუმით გათვალისწინებული მიზნების განსახორციელებლად ერთ-ერთი პარტნიორი დაწესებულება იღებს უფლებებსა და ვალდებულებებს უზრუნველყოს ამ პროგრამებზე ჩარიცხული პროფესიული სტუდენტებისათვის, ამავე სპეციალობის პროფესიული საგანმანათლებლო პროგრამების შეთავაზება, შემდეგი პირობების დაცვით:

ა) თითოეული მხარე, მეორე მხარის წერილობითი მიმართვის საფუძველზე, კონკრეტული პროფესიული საგანმანათლებლო პროგრამისათვის გამოყოფს შესაბამისი რაოდენობის ადგილებს მასთან განხორციელებად პროფესიული საგანმანათლებლო პროგრამებზე, რაც მხარეებს სჭირდებათ;

ბ) პროფესიული საგანმანათლებლო პროგრამების გაუქმების შემთხვევაში, პროფესიული სტუდენტებისათვის მსგავსი მიმართულების სხვა საგანმანათლებლო პროგრამაზე სწავლებისათვის მიმღები მხარე, ახორციელებს ჩარიცხვას გამოცდის, გასაუბრების ან რაიმე სხვა სახის დამატებითი პირობების გათვალისწინების გარეშე. ასევე, მიმღები მხარე უზრუნველყოფს გადამსვლელი პროფესიული სტუდენტის მიერ სწავლის პერიოდში მიღებული განათლების აღიარებას.

გ) იმ შემთხვევაში, თუ მიმღები მხარისათვის გამოიკვეთა, რომ პროფესიული სტუდენტის მიერ გავლილი საგანმანათლებლო პროგრამა არ შეესაბამება მის საგანმანათლებლო პროგრამას, იგი შეიმუშავებს ინდივიდუალურ პროგრამას, რომლითაც მოხდება სწავლება და პროგრამის პროექტს უთანხმებს პროფესიულ სტუდენტს.

დ) პროფესიული საგანმანათლებლო პროგრამის გაუქმების შემთხვევაში, მიმღები პარტნიორი დაწესებულება აფორმებს პროფესიულ სტუდენტებთან სასწავლო-საგანმანათლებლო ხელშეკრულებას, რომელშიც განსაზღვრული იქნება ყველა ის წესი და პირობები, რაც დადგენილი იყო იმ საგანმანათლებლო დაწესებულებაში, საიდანაც პროფესიული სტუდენტი გადმოდის;

ე) პროფესიული სტუდენტების გადაყვანის შემდგომ, მხარეები თანხმდებიან, რომ სწავლის საფასურის გადახდა მოხდება იგივე ოდენობით, რა ოდენობითაც ხორციელდებოდა მათი სწავლება პირველ დაწესებულებაში. ინდივიდუალური პროგრამის შემუშავებისა ან და პროგრამებების განხორციელებაში დამდგარ გაუთვალისწინებელ ხარჯებს ანაზღაურებს გამშვები მხარე.

მუხლი 3.

მემორანდუმის მოქმედების ვადა

3.1. მემორანდუმი ძალაში შედის ხელმოწერის დღიდან და მოქმედებს 5 წლის განმავლობაში.

3.2. მხარეთა შეთანხმებით შესაძლებელია აღნიშნული მემორანდუმის მოქმედების გაგრძელება. შეთანხმება საჭიროებს წერილობით ფორმას.

მუხლი 4.

მემორანდუმის შეწყვეტა/მოშლა

4.1 მემორანდუმი შეწყვეტილად ითვლება:

ა) მემორანდუმით გათვალისწინებული ვადის გასვლისას;

ბ) მხარეთა მიერ ახალი მემორანდუმის დადების შემთხვევაში, რომლითაც ძალადაკარგულად იქნება გამოცხადებული წინამდებარე ხელშეკრულება.

4.2 მემორანდუმის ვადამდე მოშლა შესაძლებელია ერთ-ერთი მხარის ინიციატივით.

4.3 მემორანდუმის მოშლა ფორმდება წერილობითი ფორმით.

მუხლი 5. სხვა პირობები

5.1. მემორანდუმი შედგენილია ორი თანაბარი იურდიული ძალის მქონე ეგზემპლარად.

5.2. ამ მემორანდუმის კონკრეტული პირობების ცვლილებები ხორციელდება მხარეთა ურთიერთშეთანხმების საფუძველზე, წერილობითი ფორმით. რომელიც მემორანდუმის განუყოფელ ნაწილს წარმოადგენს.

5.3. ნებისმიერი საკითხი, რომელიც არ არის რეგულირებული წინამდებარე მემორანდუმით, შესაძლებელია გადაწყდეს მხარეთა მოლაპარაკების გზით.

წინამდებარე მემორანდუმის პირობებზე შეთანხმების დასადასტურებლად მემორანდუმს ხელს აწერენ:

მხარეთა რეკვიზიტები:

შპს თბილისის ღია სასწავლო
უნივერსიტეტი
თბილისი, რუსთავის
გზატკეცილი №20
რექტორი ნოდარ პაპუკაშვილი
(ხელმოწერი პირის გაშიფვრა)

შპს თბილისის ჰუმანიტარული
სასწავლო უნივერსიტეტი
თბილისი, 0144,
ქ.ჩოლოყაშვილის ქ.53
რექტორი ვალენტინა საყვარელიძე
(ხელმოწერი პირის გაშიფვრა)

